



**Assertiones Philosophicæ Fusius Deductæ Philosophiæ
Peripateticæ communioris Epitomen exhibentes**

Leuren, Peter

Coloniae Agrippinae, 1681

x [i.e. viii, ix]. Neutra harum indisionum importat relationem rationis, aut quid formaliter negativum.

[urn:nbn:de:hbz:466:1-71607](https://nbn-resolving.de/urn:nbn:de:hbz:466:1-71607)

trus, seu divisus à se, seu simul esset Paulus, jam Petrus non esset unus, sed plures; esset siquidem, quod modò sunt Petrus & Paulus. Observandum tamen hic est, *unum* non dicere hanc divisionem ab alio ut existente, sed ab alio, sive illud aliud detur, sive non; Deus enim erat unus, antequam ulla creatura existeret, estque unitas cuiusvis entis independens ab existentia alterius entis.

VIII. Neutra harum indivisionum importat relationem rationis, quā idem referatur ad seipsum; aut aliud quid positivum enti superadditum. Non primum, quia rem esse unam, est quid reale, existens à parte rei nullo actu aut figmento rationis interveniente. Præterea fundatur hæc relatio identitatis in unitate, sicut relatio diversitatis in pluralitate, consequenter sicut prius est, esse plura, quam diversa, sic prius est, esse unum; quam relatum relatione identitatis: per quod tamen non negamus, unum consistere in identitate rei cum seipsa. Non secundum; ens enim ut distinctum ab illa ratione superaddita habet, quod non sit illa ratio superaddita, neque aliud quid à se

se distinctum, & præterea habet suum esse; ergo, ut quid distinctum ab illa ratione superaddita est formalissimè unum, & consequenter per illam non constituitur unum. Præterea illud superadditum non est unum per aliquid superadditum, ne detur processus in infinitum, ergo per suammet entitatem, jamque datur aliquid per suammet entitatem unum. Neque dicas: ex eo, quod hoc superadditum sit seipso unum, non lequi, etiam ens se ipso esse unum, sicut quantitas, cum sit ratio quanti, seipsa est quanta, non tamen materia seipsa est quanta; nam in eo est disparitas, quod illud superadditum non sit unum, quia est ratio unius, sed quia est ens, cuius attributum est unitas.

IX. Neutra etiam harum indivisionum importat formaliter quid negativum. Primò namque divisio in se entis compositi dicit negationem unionis; ens quippe compositum seu unitum dividi in se, est unionem, quae est inter ejus extrema, destrui, manentibus extremis (si enim hæc simul pereant, non est divisio, neque tamen etiam hoc non esse divisionis constituit unum, sed potius destruit, cum divisioni non opponatur pos-
suntivè

sitivè ponendo id, quod divisio negat, nempe unitatem, sed negando id, quod supponit divisio, nempe extrema unibilia in instante, quo sit divisio) adeoqùe lineas esse divisas, non est tantùm, quamlibet habere proprium terminum, sed est præcisè partes, quæ ante erant unitæ, unitas non esse, quam negationem unionis sequuntur hi termini : quamvis in compositis essentialibus & entibus simplicibus id locum non habeat. In ente simplici dicit negationem identitatis prædicatorum essentialium illius ; si enim per impossibile datur hæc divisio v.g. in Angelo, idem importaret, quod divisio inter materiam & formā hominis mortui. Jam verò indivisio, utpote dicens negationem divisionis, dicit negationem negationis, adeoqùe quid positivum. Secundò indivisum à se nihil est aliud, quam ens esse ipsum, & quia est ipsum, non est aliud à se, adeoqùe per suam entitatem est non aliud; sive non est idem cum alio, quod totum est positivum, ad summum negativè explicatum. Neqùe dicas: pluralitas est quid positivum, utpote non carentia, sed repetitio unitatum ; sed unitas est carentia pluralitatis ; ergo est carentia seu negatio alicujus

f

posi-

positivi. Nam primò , si pluralitas seu repetitio unitatum , quæ nihil est aliud , quam hæc , ista & illa unitas , adeoqùe quid indistinctum ab unitatibus , est quid positivum , jam quælibet unitas seorsim sumpta ut distincta ab alia non est quid negativum ; ex repetitione enim negationum præcisè non potest fieri quid positivum . Secundò unitas solum solitudinis dicit negationem pluralitatis ; dicit enim negationē alterius entis similis existentis , opponiturq; cum quacunq; pluralitate ; unitas autem transcendentalis nō opponitur cum pluralitate consurgente ex unitate v. g. Petri & unitate Pauli & Joannis &c. aliisque unitatibus extrinsecè advenientibus ; hanc enim pluralitatem componit , estqùe ejus pars , adeoqùe non est ejus negatio : sed opponitur cum pluralitate , consurgente ex destructione hujus unitatis transcendentalis , si nimirum Petrus divideretur in suas partes , vel fieret idem cum aliis individuis adæquatè inter se distinctis , quæ pluralitas dicit negationem unionis vel identitatis , & est res persuam entitatem non hæc pluralitas , vel non esse hujus pluralitatis . Ubi quoqùe observandum est , unitatem transcendentalem non opponi

poni his pluralitatibus materialiter acceptis,
id est, cum substantia unitatum consurgen-
tium ex divisione compositi substantialis vel
integralis, sed cum pluralitate accepta forma-
liter, id est, cum negatione unionis, seu cum
unitatibus illis, quatenus sunt divisæ.

X. Unitas alia est individualis, numerica,
materialis, seu absolutè realis, & est indivisio
rei singularis in se, & divisio ejus à quavis alia
re singulari. Desumitur ab ipsa rei singula-
ris entitate; (inde enim habet unitatem nu-
mericam, unde habet suum esse intrinsecum)
sive principium intrinsecum individuationis
est tota cuiusqùe rei entitas, & non materia
sigillata, seu affecta quantitate aliisqùe acci-
dentialibus, cùm res spirituales habeant suam u-
nitatem & materia carens quantitate adhuc
esset hæc numero materia: neqùe sola forma,
cùm materia absq; forma adhuc esset una. A-
lia est unitas formalis, per quā essentia aliqua,
v.g. humana dicitur una, quamvis sit divisa in
plura individua, sive est indivisio essentiæ in
se, & divisio ejus à quolibet alio. Malè ex-
plicatur hæc unitas, quòd detur ante opera-
tionem intellectus unitas essentiæ, vi cuius ea-
dem natura humana sit in Petro, Paulo &c.

se distinctum, & præterea habet suum esse; ergo, ut quid distinctum ab illa ratione superaddita est formalissimè unum, & consequenter per illam non constituitur unum. Præterea illud superadditum non est unum per aliquid superadditum, ne detur processus in infinitum, ergo per suammet entitatem, jamque datur aliquid per suammet entitatem unum. Neque dicas: ex eo, quod hoc superadditum sit seipso unum, non lequi, etiam ens se ipso esse unum, sicut quantitas, cum sit ratio quanti, seipsa est quanta, non tamen materia seipsa est quanta; nam in eo est disparitas, quod illud superadditum non sit unum, quia est ratio unius, sed quia est ens, cuius attributum est unitas.

IX. Neutra etiam harum indivisionum importat formaliter quid negativum. Primò namque divisio in se entis compositi dicit negationem unionis; ens quippe compositum seu unitum dividi in se, est unionem, quae est inter ejus extrema, destrui, manentibus extremis (si enim hæc simul pereant, non est divisio, neque tamen etiam hoc non esse divisionis constituit unum, sed potius destruit, cum divisioni non opponatur pos-
suntivè